



Шорго эл, порымик да рин берг!

52-шо (3336) №,
2017 ий 23 декабрь,
шуматкече.

ЯМДЕ-ЛИЙ

1933 ий 1 февраль годсек лектеш.

0+

Чеве-е-ерын, 2017 ий!



ПАМПАЛЧЕ: Эчук, агытанын мурымыжым колат? Тудо кузе мура?

ЭЧУК: Агытан эре «Ке-кре-кре-ек!» мура...

ПАМПАЛЧЕ: Уке, шыч пале. Түткынрак колышт: мурымыжо «Чеве-е-ерын, 2017 ий!» манме гай шокта. Тудо вет тений идалыкын озаже лийын: «Ямде лий» газетын лудшыжо-влакым, мемнам когыньнам да чумыр калыкым Экологий идалык мучко сай пашалан кумылан ден шогыш. Вашке тудо чеверласа, эстафете тояжым Пий идалыклан кучыкта да латик ий гыч веле пörтылеш.

ЭЧУК: Но сурт кокласе агытанже нигушкат чонештен ок кай. Адакшым пийжат айдеме воктене ила: пörтым орола, сонарыш коштеш, йоча-влакым модыкта.

ПАМПАЛЧЕ: Пий МЧС пашаен-влаклан туткарыш логалше ен-влакым утараш полша. Пограничник-пий элнан чекшым орола.

ЭЧУК: Пампалче, сүретлам ончал, могай мотор улыт. «Пий – айдемын ўшанле йолташыже» калыкмутым вигак шарналтышым. Кажныжым миен ниялтыме шуэш.

ПАМПАЛЧЕ: Меат Агытан дене пырля тендан дене чеверласена, йоча-влак. У ийыште сайын тунемза, ача-авадан мутыштым колыштса, чолга лийза!


У ийым вученä

Вашке У ий толын шуэш. Юзо пайремым изижге-кугужге вучена, икте-васылан пöлекым кучыктена. Ужар кожым сöрастарена, йырже мурен-куште-на. Йоча-влакше кож йымалне кийыше пöлекым куанен луктедена. Пайремлан ўстел тич чесым поген, шагат перымым да Президентын саламлымыжым вучена. Тыгодым вашла тазалыкым, кужу ўмырым, у ийыште сай лектышым тыланена.

Диана АЛЕКСАНДРОВА.

Морко, Эгерсола.

Сүрет-влак: 1. Виктория ИЗЕРГИНА, Кужэгер ДШИ (вуйлатыше - Л.Л.Константинова); 2. Ксения ЕРШОВА; 3. Анна ВАСИЛЬЕВА, Руэм ден Краснооктябрьский ДШИ (вуйлатыше - Л.П.Царегородцева); 4. Полина АЛЕКСАНДРОВА, Волжскысо ДШИ (вуйлатыше - Л.Н.Ахметзянова); 5. Дарья АЛЕКСАНДРОВА, Национальный президент сымыктыш школ (вуйлатыше - Л.М.Новикова).





Пий идалык мом сөра?

Идалыкын озаже тыматле, чыным йоратыше, келшымаш верч шогышо, шонымашке шуаш тыршыше, кеч-можымат шонкален ыштыше Нарынче Пий лиеш. Тудо озажлан веле огыл, тыгак шке мутшылан, пашажлан ўшанле янлык. Чыным аклыше да чолга янлык ондалымашым, йонгылыш пашам ок проститле. Поро кумылан, раш ен-влакым идалык мучко түрлө нелылык деч аралаш да нунылан полшаш тўналеш.

ШОРЫК (21.03-20.04)

Идалык тўналгыште чытамсыр койыш палдырна. Сандене ятыр нелылык лектеш. Ача-ава-влаккан кугу тўткышым ойырыман, шукрыак жапым икшыве пелен эртарыман, чон почын мутланыман.

Йочалан ой-кагашым пуышо йолташ, сай польшыкалыше, энгертыш лийман.

Чыла вере – икымше!

Школыштына эртыше «Созвездие талантов» конкурсыш кажне йоча ушнен. Мемнан классын тунемшыже-влак кажне тагасыште икымше верыш лектыныт. Туныктышына Лилия Григорьевна ден куштымо кружокым вуйлатыше Алевтина Николаевна мемнам конкурслан ямдыленыт. Тау нунылан.

Кужэнгер,
Шўдымарий.

Катя ЧУРИКОВА.



«Кисан кечыже»

Школыштына «Алло, мы ищем таланты» конкурс эртен. Кажне класс онгай программым ямдылен. Ме испанла куштенна. Куштымашым хореограф Алевтина Ивановна Григорьева ямдылаш полшен. Чот тыршенна. Куштымашна пеш чапле лектын.

Морко, Унчо. Маша ОРАЗАЕВА.

Районышто эртыше «Кисан кечыже» экологий конкурсышто вийнам тергенна. «Кормушко», «Модыш», «Презентаций» номинаций-влак лийыныт. Ме киса нерген марла презентацийым ямдыленна. Пластилин гыч сўретым келыштаренна. Кормушко-влакан фотом колтенна. Кокымшо классыште тунемше-влак «Изи киса» пашашт дене икымше верым налыныт (снимкыште).

Айвика МУСТАЕВА,
Катя ИБРАЕВА,
3-шо класс.
Шернур, Мустай.

Школысо охранилан ача-ава-влак оксам тўлышаш улыт мо?

Йошкар-Ола прокурорын алмаштышыже В.С.ПТИЦЫН вашешта:

«Россий Федерацийысе образований нерген» закон почеш, тунемме тўнежлаште лўдыкшыдымылыкым ыштымылан, тунемше-влакым воспитатлымылан, эскерымылан, пентгыдемдыме нормылан келшышын, илышыштым да тазалыкыштым аралымылан шинчымашым пуышо организаций мутым куча.

Тидын годымак РФ Правительствын посна пунчалже почеш, шуко ен улман верыште правопорядкым кучаш да эскераш физический охраним налман. Тудым кучымо роскот оксам школ тўлышаш, тиде школын обязанностьшо.

Образовательный организацийште ешартыш охраним кучаш ача-ава-влакын (але йочан закон почеш представительже) правашт уло. Тидын годым

оксам шке кумылын пуышаш улыт.

ПРЕЗЕ (21.04-20.05)

Тунеммаште кугу кўкшытыш шуыт. Науко литературым лудаш, уш-акылым виангыше модыш дене модаш кумылышт лектеш. Чолга койышышт палдырна, чыла вере шуаш тыршат. Шонен пыштымыштым мучаш марте шуктат.



У ий кож

У ий кожшо пўрт покшелне Пеш моторын койылда. Йошкар тўс дене чачаже Куандара чыланнам. Кушталталын, муралталын, Ме йыретше пўрдына, Ик идалык ты куаным Чон пырткалын вученна.

Шинчырым тугай сўралым Кож ўмбаке сакена, Йўштў Кугызан пўлекшым Йывырталын вучена!

Катя ЯМБАШЕВА.
Волжский, Пўтъял.



ЙЫГЫР (21.05-21.06)

Чолга, ушан-шотан, шонымашке шуаш тыршыше, мутланаш йоратыше Йыгыр-йоча-влаклан Нарынче Пий ушеш кодшо да волгыдо ийым сора. У йолташ-влакым вашлийыт. Фантазироватлаш йоратат. Тидлан кора тунеммаште изирак нелылык лийын кертеш. Тўткырак лияш тыршыман.



Йошкар-Оласе йочасадлаш коштшо ньога-влак мариЙ сылнымутлан изинек шўмангын кушкыт.



Сылнымут аршашым полеклышт

Авторын фотожо.

17-ше номеран йочасадыште эртыше «Сылнымут аршаш» пайремыштым Марий тиште кечылан полеклышт. Мотор мариЙ вургеман икшыве-влак почеламутым марла йонгалтарышт. Эше кузе сылнын лудытшо! 3-5 ияш-влак коклаште 19 йоча таҥасыш. Кажныже – изи артист. **Лиза Шишкина** (38-ше №-ан й/с) ончышо-влакын кумылыштым савырыш, сенгышыш лекте. Тыгак **Дима Николаев** (29-ше й/с), **Вика Музурова** (68-ше й/с), **Андрей Уткин** (61-ше й/с), **Даша Орлова** (43-ше й/с) ойыртемалтыч. 5-7 ияш-влак коклаште сенгышым палемдаш куштылгак огыл ыле. Туге гынат жюри икой дене 33-шо номеран йочасад гыч **Андрей Чендемеровлан** икымше верым пуыш. **Л.ГРИГОРЬЕВА.**

Руш йылме арня



Школышто руш йылме да литератур арня эртыш. Мылам И.С.Тургеневлан полеклалтше мероприятий келшыш. Вўдышў-влак: Александр Петухов ден Кристина Быкова – писательын илиш корныж дене палдарышт. Вара йоча-влак коклаште конкурс эртаралте. Авторын прозо дене возымо сылнымутшым лудын таҥасышт. 11 участник кокла гыч сенгышыш **Юлия Горохова** (7 кл.) ден **Карина Бочарова** (9 кл.) лектыч. Кокымшо вер дене **Элина Миронова** (7 кл.) да **Сергей Петухов** (5 кл.) палемдалтыч. 4-ше классыште тунемше **Мария Соколовалан** таумутым кучыктышт. **Венера ГЛУШКОВА,** 7-ше класс. **Кужэнгер, Конганур.**



Калык пале

- ❄ *Декабрьыште лум чолгыжеш, да ок ырыкте.*
- ❄ *Декабрь окнам сїретыш савыра.*
- ❄ *Декабрьыште кече онча, да огеш ырыкте.*
- ❄ *Декабрьыште вашке пычкемышалтеш.*
- ❄ *Декабрь у пиаллан корным почеш.*

Кочай, саламем нал!

Мый кочамым пеш йоратем. Тудын тентгече, 22 декабрьыште, шочмо кечыже ыле. Кочам 61 ийым темыш, но тудо эше пашам ышта. Машина дене сатум шупшыкта. Каныш кече годым мый туддеке унала коштам. Кенежум ме трактор дене кудалыштына, тудо рулым пўтыркалаш пуа. А телым кугу курык гыч ече дене мунчалтена. Веселан жапым эртарена. **Сева НИКИТИН.** **Кужэнгер, Шўдымарий.**



РАК (22.06-22.07)

Идалык тўналтыште тазалыклан тўткылыкым ойырыман. Икшыве мут колыштыдымо, нечке лийын кертеш. Кугурак ийготан-влакым икымше йоратымаш тул авалта. Тидлан кора койыш-шоктышышт вашталтеш. Ача-ава-влаклан йочам чыташ да умылаш тыршыман.





ЛЕВ (23.07-23.08)

Лидер койышышт палдырна. Вашкыл пенгыдырак лийже манын, йочалан вянагыже полшыман. Кугешнен коштмо койыш деч коранман. Енын ойлымыжым колышташ тунемман.

Тидым ышташ йоратымаш полшен кертеш.



Тушто



Телым ик гана толеш, Шере кочкышым конда уэш. Пеленже тудын - уныка, Лүмжю волгыдо, шыма.

Л.Л.ДМИТРИЕВА,
туныктышо.

Волжский,
Приволжский.



Идалыкын түсшө - нарынче. Тудо поро пашам, ұшаным, пиалым, куаным, икоян улмым, сенгымашым, у пашалан тұналтышым ончыкта. Нарынче түс сай илышлан ұшаным шочыкта, кумылым нөлта, ырыкта. Тылеч посна 2018 ийыште күрен, ужарге, йошкарге да шемалгеканде түс-влак сайлан шотлалтыт.

Сүретым чиялте. Лум пырчым ешаре.




Лүмжю сылне - Айвика!

- Лүмет могай сылне, Айвика! - Шернур район Кукнур школын 11-ше классыштыже тунемше Айвика Алмаматова (снимкыште) дене палыме лиймеке, каласыде шым чыте.

- Шкежат кугешнем. Тыгай лүмым ачам пуэн! Сергей Николаевын «Айвика» пьесыже пеш келшен дыр, - йывыртен вашештен, Айвика шыргыжале. - Авамат, Людмила Ильинична, тореш лийын огыл. Тудо пеш чот марий шұлышан, школышто марий йылмым да литературым туныкта.

Айвика поэзийлан шұман. Ава нерген икымше почеламутшо «Ямде лий» газетыште савыкталтын. Почеламутым сылнын лудмо конкурслаште шке возымо сылнымутшо дене ойыртемалтеш. Марий йылме дене шинчымашыжым олимпиадыште терга: районышто эре сенгыше-влак радамышке лектеш.

Л.ГРИГОРЬЕВА.



Пүртүс куатым пуа

Марий калык - пашаче калык. Тудо ожно шкенжым пашаште шуарен. А паша жапше пүртүс лонгаште эртен. Яндар юж айдемын тазалыкшым пенгыдемден. Садлан кугырак ен-влак Пүртүс авам пагален илат. Нуно палат, пүртүс дене кылым кучымыжлан марий калык таза калыклан шотлалтеш. Тазалык - кажне айдемын рудыжю. Лач таза калыкын ончыкылыкшо уло да волгыдо лиеш!

Анатолий АЛЕКСАНДРОВ.
Морко, Шүргыял.

Экзаменыште

Школыштына кок самырык туныктышо уло: марий йылмым да литературым туныктышо Е.С.Янаева да математикым, физикым, информатикым туныктышо И.Г.Богданов. Ик кечын нуно школыш дене кылдалтше мыскара экзаменыш логалыныт. «Мый - личность, мый педагог улам» теме почеш эссе возеныт да лудыныт. Кугу опытан туныктышо-влак нунылан поро тыланымашым ойленыт.

Ангелина ВЕДЕНЬКИНА.

У Торъял, Кузнеч.



Йолташ үдырем - Надя. Тудо Йошкар-Олаште ила, 7-ше классыште тунемеш. Урок деч вара музыкальный школыш коштеш. Йүкшю яндар, мураш пеш кертеш. Школыштан сайын тунемеш. Каныш жаплан Надя ялышке унала толеш. Йолташ үдырем поро, енлан полшаш тыршыше. Мый тудым куанен вучем.

Люда КАЛИНИНА.
Параньга, Матародо.

ЎДЫР (24.08-23.09)

Тыматле койышан Ўдыр-йоча-влак книгаг лудаш шұмангыт. Ача-ава пелен лияш тыршат. Но чанга да чылажымат аныклаш тыршыме койыш вянгын кертеш. Ача-ава-влак чын ончен куштат гын, нине койышла деч утлаш лиеш.





Кайыккан польш

Койышан шыже чот торешланыш гынат, кундемышкына йүштө теле сененак тольо. Уремыште лум лумеш, южгунам поран үштеш, а йоча-влакын йүкышт кас марте йонгалтеш. Шулдыран йолташна-влаккан неле пагыт толын. Сандене школыштына «Кайыккан польш» акцияым увертарыме. Йоча-влак кормушкым ыштат. Нунын коклаште лотерей модыш эртаралтеш. 7-ше классыште тунемше Сергей Торошин теве могайым ыштен **(снимкыште)!** Йоча-влак, тыгай пашашке теат ушныза!

Анна ЯКИМОВА, 8-ше класс.

У Торъял, Тошто Торъял школ.



ВИСА (24.09-23.10)

Келге шинчымашым налме верч тыршат. Сандене нуным мокталташ мондыман огыл. Тиде кумылыштым нолта, эше кўкшырак сенымашке шуаш тўналыт. Илышыште кугу вашталтыш лийын кертеш. Тидланат ямде лийман.



Йомакысе кугыжаныш

Телымсе чодыра – чылт йомакысе кугыжаныш. Шып. Тымык. Ош пушентге-онар-влакым лўдыкташ огыл манын, уто йўкым лукде, куанен ончем. Шонет, телымсе чодыра шергакан тымыкшым арала. Уке-уке! Кылмыше укш-влак онайын йўкланат, йол йымалне лумат кечкыжалта. Чодыраште коштем годым шонкалем:

«Ала тыште чонанжат уке?» Но кыша моткоч шуко: кож йымалне янлык-влак торешкутын кудалышт пытареныт.

Каныш кечем арам ыш эрте. Йомак кугыжаныш мыйым яндар южшо дене шунен-шунен сийлыш. Пушентге-влак пушкыдо копашт дене шыман вўч-калтен ужатышт.

Юлия ИВАНОВА.

Кужәнер, Шорсола.




Лум шуко лийже

Мый эрдене школышко ошкылмем годым эре пўртўсым эскерем. Теле кажне кечын шыже дене кучедале. Но шыже шкенжым сенаш ынеж пу ыле. Туге гынат вийже койын пытыш. Ынде кече пеш начар ырыкта, уремыште йүштө. Кеч-могай сылне шыже шогыжо, но телын толмыжым кажне йоча изин-кугун вуча!

Нелли ВИССАРИОНОВА.

2-шо номеран Морко школ.



Тушто

Почела нуно эре коштыт: идалык мучко, курым-курымеш. Улыт икте-весылан я йолташ, я кугу тушман.



Акаем

Мыйын кум акаем уло: Марина, Лилия, Алёна. Серёжа изам Йошкар-Оласе 21-ше номеран школышто 11-ше кадет классыште тунемеш.


Мый изирак акам, Алёна, нерген возынем. Тудо экологлан тунем лектын. Изинек тўнямбалсе эл-влакын рўдолаштым пален, кушто могай эл верланымым картыште ончыктен моштен. Англичан йылмым сайын пала. Моткоч сылнын мура, почеламутым сайын каласкала, ече дене вяян коштеш, куржталмаштат эре ончылно. Садлан шуко грамот, диплом да медальже уло. Мый акам дене кугешнем да тудын гаяк лияш тыршем.

Алина ЕВСЮТКИНА.
Морко, Шлань.



Физкультминутко

Парня вуйышко шогалыым. Лийым кугу изишлан. Кўшкө кок кидге нолталыым. Каныш лие капкыллан. Налыым шўлышым он дене, Вара кугун шўлалтем. Кок-кум гана йолем дене Мераң гае тёршталтем.
Н.Д.ИЛЬИНА.
Волжский, Карай.




СКОРПИОН (24.10-22.11)

Тунеммаште нелылык лектын кертеш. Ача-ава-влаккан икшыве пелен лияш тыршыман. Спортлан шўман улыт. Садлан спорт секцийыш але кружокыш кошташ кумыландыман. Скорпион-влак пентгыде койыш-шоктышан улыт гынат, еш дене пырля лийме жапым аклат. Нунылан шыматымаш, йоратымаш ок сите.





У Кузе мый ийым вашлиям



Ме чыланат У ий пайре-
мым вучена. Кажне ийын ик
арня ондакак ямдылалташ
тўналына. У деч у салат-вла-
кым ыштена. Ятыр фруктым
налына. Теле тылзын 31-ше
кечынже, кастене, уло ешге мончашке пурена
да 12 шагат йўдым У ийым вашлийына. Пелйўд
эртымеке, ик сурт гыч весышке унала коштына.
Самырык-влак райрўдысō пайрем кож йыр пōр-
даш каена. Шорыкйол тылзын 1-ше кечынже
«Один дома» кином уло еш дене воштыл-вош-
тыл ончена. Тыге У ийым вашлийме пайрем
шўлыш уло идалык мучкылан кодеш. Мый чыла-
дамат шушаш У ий дене саламлем!

Мария ИЛЬИНА.
Морко, Шўргыял.

ПИКШЫЗЕ (23.11-21.12)

Ий тўналтыште шонымыштым лук-
тын каласаш утларак эрыкым пуй-
ман, но шотым палыман.
Подростко-влакын койыш-шокты-
шышт вашталтеш: пеш вашке
нелеш налыт, шыде лийыт,
нигō дене кылым огыт кучо.
Чон почын мулланымаш
нелылык деч корангаш
полша.



Пайрем үстел

Пий мом йōрата? Чын,
шылым, лум... Тиде гана пай-
рем сий шыллан поян лийшаш.
Борщым, шурпам, солянкым,
рассольникым шолташ лиеш.
Мокшым, котлетым жаритлаш,
тефтелим, гуляшым ямдылаш
келшен толеш. Гарнирлан
парентгым, греч-
кым, рожким
кучылтса.

М а м ы к
т ы р т ы -
ш ы м к у -
ч ы л т ы н ,
с ў р е т ы с е
г а й Й ў ш т ő
К у г ы з а м
ы ш т ы з а .

Пайрем
ү с т е л ы ш к е
тўрлō колбасам пўч-
кеден шындаш кўлеш.
Салат-влак кокла гыч
«Оливье», «Мимозо» але
«Сельд под шубой»
келшышылан шот-
лалтыт.

Теле У ий пайре-
мым конда. Мый тудым
чот вучем. Моло йочат
мыйын семынак вучат,
шонем. Кожым сōраста-
рат, йытыра модышым
ыштат. Йўштō Кугыза
пōлекым конда. У ийым
йоча-влак модын-юарлен
эртарат. Мыйынат тиде
пайремом весела лиеш.

Настя ГРИШКИНА.
Морко,
Коркатово.



Мый
и к ы м ш е
классыште тунемам. Урок
деч вара ялысе клуб пелены-
се драмкружокыш коштам.
Шукерте огыл Йōшкар-Олаште
эртыше «Ўдырсий» конкурсышто
изи ўдырым модынам (сним-
кыште).

Марина МАКАРОВА.
Звенигово,
Нуктуж.

Юзо пижгом

Йомак

Чодыра аланыште Йўштō Кугыза кош-
теш. Пушенге-влаклан йўштō ынже лий манын, ош
ужгам чикта. Онча, кож йымалне меран чытырен
шинча. Йўштō Кугыза тудлан шке пижгомжым пōле-
кла. Меран пижгомыш ыраш пурен шинчеш.
Трук йолташыжым шарналта, вес
мерангым ўжеш. Тек тудат ыра! Пиж-
гом кōргыштō нуно тамле кешырым
муыч да коктын кочкаш пижыч.

Йўштō Кугыза мераниге-влаклан
мом пōлеклышашым пален. Вет янлык-
влакынат У ий пайремышт лийшаш.

Вадим УСКОВ
аваже Юлия Николаевна
дене пырля.

Йōшкар-Ола, 10-шо №-ан
«Звёздочка» йочасад.
Воспитатель-влак:
С.Н.Шепелева, З.Е.Щербакова.



Туштво

Идалыклан кок ужгам
вашталта, а полды-
шым ургаш ок вашке.



ИРКАЗА (22.12-20.01)



И к т а н а ш - в л а к
коклаште умылыдымаш
лиеш. Кугурак ийготан-
влак дене жапым эртараш
але книгам лудаш тыршат.
Тазалыкым шекланыман. Яндар
жышты шукрыак лийман.



ВЎД ЙОКТАРЫШЕ (21.01-20.02)

Изирак ийготан-влаклан тазалыкым чот шекланыман. Тунеммаште нелылык лийын кертеш. Подростко-влак, уда компанийыш ушнен, осал койышлан тунем кертят. Сандене ача-ава-влак-лан тўткў лийман.



Кидмастар



Вашке У ий толеш. Тиде пайре-мым мый пеш вучем. Авам дене коктын «У ийысе йомак персонаж» конкурсыш теве тыгай Лум кугызам ыштышна. Авам пидын, мый тыртышка кўргыш мамыкым шўшкым, ўштервоштырым ыштышым. У ийысе кожыш сакаш мотор модышым келыштарышна.

Кирилл МАРТЫНОВ, 2-шо класс.
У Торъял, Немда.

У ий пайремым пешак йўратем. Школыштына открытке конкурсым увертареныт. Мыят тушко ушненам. Открыткым ышташ авам полшен. Мый саламлыме мутым возышым.
Ксения БУТЕНИНА, 2-шо класс.
Морко, Эгерсола.

КОКТЫН МОДЫНА

Мыйын

изи шольым уло. Тудын лўмжў - Степан, йочасадыш коштеш. Стёпа пеш весела, шылын модаш йўрата. Коктын машина дене модына. Кастене мылам урокым ышташ полша. Шке семынже лудаш да возкалаш тўча. Мый шольымым пеш йўратем.

Дима ШАБАЛИН, 2-шо класс.
У Торъял, Кўан Памаш.



Сылне Ёлкым саламлалын,
Йочасадыш толынна.
Но, мо тугай?
Иктат ок пале, кў ме улына.
«Буратино» йочасад.
Татарстан, Муслюм, Марий
Пўлер.

Кугешнем

Виолетта йолташ ўдырем - кидпашалан пеш мастар.

Тидлан тудым аваже, Надежда Валерияновна, тунуктен. Виолеттан тўрлымў лывыже (снимкыште) илышыла коеш. Крючок дене кидшол-влакым пидеш, иктыжым мыланем пўлеклен. Яра жапыште пижергым, носким пидаш тунемеш. Аважлан кертмыж семын полша.

Анна ОСИПОВА, 5-ше класс.
Волжский, Пўтъял.



Телылан куанем!

Эрдене помыжалтым да уремышке ончалым. Лум возын! Чымалт лектым, ечим налым да мунчалташ кайышым. Лумжў шагалрак гынат, шер теммеш мунчалтышым.

Максим АЛМАКАЕВ.



Ўшанымылат ок чуч: лумым вучен шуктышна. Йоча-шамыч дене пырля курыкыш кайышым. Ече денат, издер денат мунчалтышна. А вара модна. Телымат модаш лиеш, кумылет гына лийже.


Роман ВАСИЛЬЕВ, 3-шо класс.
Морко, Коркатово.



Тушто

Теле мучко мала,
копажым нула,
а таче У ий
пайремыште пырля.

Пайрем ўстелым шке кид дене ыштыме пий сўрастара гын, эшеат сай. Тудым куэм, пу, пенопласт, тўрлў тўсан пенгыде кагаз, пластилин гыч ышташ лиеш. Фантазийдам ончыктыза! Пий йўным муын мощтымым кўкшыш акла.



КОЛ (21.02-20.03)

Кол-йоча-влак йолташ-шамыч дене кылым кучымым чарнат, шке семынышт илат, шала-вула койышышт палдырна. Чыла тиде тунеммаште нелылыкым ышта. Сандене тунеммашлан кугу тўткылыкым ойырыман. Кугурак ийготан-влак икымше йўратымышым вашлийыт.



Конкурсеш

«Палыза, кө мый улам!»

1-ше фотошто - У Торъял район
Токтарсола школын 4-ше
классыштыже тунемше
Эльмир Анисимов да
Кира шўжарже У ий
костюмышт дене.




1



2



4



3




2-шо фотошто У Торъял шко-
лын 2-шо классыштыже тунемше Анна
Еросланова «Мый папуас улам» манеш.

3-шо ден 4-ше фотолаште - Марий
Турек район Арбор гыч Полина ден
Виктория ОСИПОВАМЫТ.

Чолга шўдыр

Аня лўман йолташем –
Мыйын чолга шўдырем.
Аня мурым муралта,
Труд урокым йўрата.
Екатерина РАССАНОВА.
Морко, Коркатово.



Оңго-влакым шотлен лукса?.



Пурла могурысо арвер-влакым сўретыште му.



Уто мутым му

- ❄️ Рывыж, меран, пий, маска.
 - ❄️ Бараксим, чыве, корак, шырчык.
 - ❄️ Пёрт, палатке, школ, кевыт.
 - ❄️ Лыве, йыл, шудшырчык, когарш.
 - ❄️ Висвис, лопшудо, василек, гладиолус.
- Виолетта МАТВЕЕВА.**
Волжский, Пётъял.

«Ямде лийын» вес номерже
2018 ий 6 январыште лектеш.

Индекс: Марий Элыште,
Пошкырт ден Татарстан
кундемлаште - П4696.
Тираж 1000 экз. Заказ 2649.
Формат – А-4-8.
Директор-тўн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

выктыме. Типографийын

УЧРЕДИТЕЛЬ-ВЛАК:
Марий Эл Республикы-
се культур, печать да
калык-влакын пашашт шот-
тышто министерстве, «Ям-
де лий» газет» кугыж-
ныш унитарный казенный
предприятий.

Газетым редакцийыште погымо да верстатлыме,
«СТРИНГ» ИПФ ООО-што ямде оригинал-макет гыч са-
адресше: 424006, Йошкар-Ола, Строитель урем, 95.

Газетым Массовый коммуникаций
сферыште да культур наследийым ара-
лымаште законодательством шуктен шо-
гыным эскерше Федеральный службын
Приволжский федеральный округысо уп-
равленийыштыже регистрироватлыме.
Номер – ПИ №ФС 18-1999,
2005 ий 10 февральыште
пуымо.

0+

Печатьыш пуымо жап – 14-00,
фактически – 13-00.
Ак – кутырен келшыме
почеш.

Авторын да редакцийын шо-
нымашыш түрлө лийын кер-
тыт. Серыш-влак мўнгеш огыт
колталт.

Редакцийын да издательнын
адресше: 424006, Йошкар-Ола,
СССР Вооружённый Вийын 70-ше
идалыкше урем, 20.